



IROMAG

Odlazni studenti



U OVOM BROJU

ŠAHOVSKI TURNIR

**PREZENTACIJA
MEĐUNARODNIH
PROJEKATA**

**DODJELA NAGRADE
REKTORA**

**PREZENTACIJA
NAUČNOISTRAŽIVAČKIH
PROJEKATA**

BOSNIAN DICTIONARY

45. GODIŠNJICA UNMO

by IROUNMO

Univerzitet Džemal Bijedić u Mostaru osnovan je 11. februara 1977. godine i nosi ime po bosanskohercegovačkom i jugoslovenskom političaru Džemalu Bijediću rođenom u Mostaru.

Povodom godišnjice Univerziteta, organizovano je mnogo različitih događaja.

Prvi događaj, ujedno i tradicija našeg Univerziteta bilo je polaganje cvijeća ispred rektorata od strane prof. dr. Elvir Zlomušica, rektora Univerziteta.

ŠAHOVSKI TURNIR

By IROUNMO

12. februara 2022. godine, povodom obilježavanja 45. godina od osnivanja Univerziteta "Džemal Bijedić" u Mostaru održan je tradicionalni šahovski turnir u prostorijama Studentskog hotela Mostar. Na turniru je učestvovalo preko 30 šahista. Među takmičarima su bili i studenti Univerziteta.

Najbolji učesnici turnira su bili Almir Mataradžić, Atif Dumpor, Adil Šuta, Džemal Redžić i Ekrem Koso.



Studenti Univerziteta koji su ostvarili zapažene rezultate su: Sadžida Džiho (Fakultet Informacijskih Tehnologija) sa 4 poena, Ramo Hasanović (Fakultet Informacijskih Tehnologija) sa 3.5 poena, Adnan Potur (Ekonomski fakultet) sa 3.5 poena i Kenan Idriz (Fakultet Informacijskih Tehnologija) sa 3 poena.



Sadžida Džiho, je inače član Šahovskog kluba Mostar i Sadžida je na 21. kadetskom i juniorskom prvenstvu Bosne i Hercegovine u šahu održanom od 1.do 4. jula 2021. godine u hotelu Safir u Bihaću 2021. osvojila je prvo mjesto u kategoriji juniorki do 20 godina i na taj način obezbijedila plasman na svjetsko prvenstvo.



PREZENTACIJA MEĐUNARODNIH PROJEKATA

By IROUNMO

Na Građevinskom fakultetu održane su prezentacije međunarodnih projekata u koje je Univerzitet bio uključen u svojstvu partnera u 2021. godinu. Ovo je bio jedanaest događaj u nizu organizovan povodom obilježavanja 45 godina od osnivanja Univerziteta "Džemal Bijedić" u Mostaru.

Uvodna prezentacija bila je prezentacija Kancelarije za međunarodne odnose. Osim prezentacije svih mreža mobilnosti koji su dostupni studentima i osoblju Univerziteta, referent za međunarodnu saradnju je govorila o postignutim rezultatima Kancelarije za međunarodnu saradnju kao i aktivnostima koje se poduzimaju na povećanju vidljivosti rada Kancelarije.

Ukupno su predstavljene 43 Erasmus+ ICM mreže, 12 Mevlana bilateralnih sporazuma, jedanaest Erasmus+ projekta izgradnje kapaciteta, jedan projekat naučne saradnje i jedan projekat podržan od strane British Council.



DODJELA NAGRADE REKTORA

By IROUNMO

Na Ekonomskom fakultetu Univerziteta „Džemal Bijedić“ u Mostaru, 11. Februara sa početkom u 10:00 sati je održana dodjela Nagrade rektora najboljim studentima prvog i drugog ciklusa studija u okviru obilježavanja 45. godišnjice Univerziteta „Džemal Bijedić“ u Mostaru.

Prisutnima su se obratila prorektorica prof. dr. Edina Špago-Ćumurija, koja je na samom početku obraćanja istakla kako ovaj događaj u okviru obilježavanja izaziva najviše ponosa, jer je Univerzitet dobar onoliko koliko su dobri njegovi studenti. Prorektorica je nagrađenim studentima poručila da budu ponosni na sebe i svoj rad, te da se na ulasku u ozbiljni poslovni svijet i život ne odriču vrijednosti svoje teško stečene diplome.

Nakon obraćanja prorektorice, nagrade i prigodne poklone najboljim studentima uručio je prof. dr. Elvir Zlomušica, rektor Univerziteta. U ime nagrađenih studenata, prisutnima se obratila Sara Kljajić.

„Univerzitet nas je otvorenih ruku prihvatio i prigrlio naše potencijale koji su ovdje procvjetali. Strpljenju, prijateljstvu i ljubavi prema znanju učili su nas profesori i asistenti, pravi stručnjaci u svojim područjima. Sve ove pružene preduslove i prilike smo spremno iskoristili i trudom i željom ih pretvorili u sjaj – ovaj koji danas poklanjamo Univerzitetu za njegov rođendan.“, navela je između ostalog u svom obraćanju studentica Sara Kljajić.



PREZENTACIJA NAUČNOISTRAŽIVAČKIH PROJEKATA

By IROUNMO

Prezentacija naučno-istraživačkih projekata fakulteta i univerziteta, čija implementacija je trajala, koji su odobreni, započeti ili okončani u 2021. godini, održana je 18.2.2022. godine u Amfiteatru Mašinskog fakulteta Univerziteta "Džemal Bijedić" u Mostaru, u okviru programa obilježavanja 45. godišnjice Univerziteta "Džemal Bijedić" u Mostaru.

Prezentirano je 9 naučno-istraživačkih projekata. Naučno-istraživačke projekte je predstavilo akademsko osoblje Agromediteranskog fakulteta, Mašinskog fakulteta, Nastavničkog fakulteta i Pravnog fakulteta te administrativno osoblje Univerziteta "Džemal Bijedić" u Mostaru.



PREZENTACIJA STUDENTSKIH PROJEKATA FIT-A





By IROUNMO

Kao jedna od aktivnosti u okviru obilježavanja 45. godišnjice Univerziteta „Džemal Bijedić“ u Mostaru, u srijedu 15.2.2022. godine održana je prezentacija studentskih projekata Fakulteta informacijskih tehnologija, online putem platforme Microsoft Teams. Nakon uvodnih riječi, rezultate svojih istraživanja, pod mentorstvom profesora, prezentovali su studenti Fakulteta informacijskih tehnologija:

- Nudžejma Kezo – Primjena deep learning na prepoznavanje objekata za slijepe osobe,
- Nihad Tahunić – Aplikacija za podršku rada 3D studija i 3D profesionalaca – Blenderline,
- Melisa Ibrić – Razvoj mobilne aplikacije za upravljanje kretanjem mobilnog robota.

Sa zanimljivim i aktuelnim temama prisutne su upoznali profesori i saradnici na Fakultetu informacijskih tehnologija:

- Mohamed ElZayyat – Artificial life
- Goran Škondrić – Incremental algorithm of data replication in distributed peer to peer system for data storage
- Elmir Babović – Research in mobile robotics
- Ilhan Karić – Raspberry pi cluster for distributed machine learning.



ODRŽAN SASTANAK O STUDENTSKOM ORGANIZOVANJU

By IROUNMO

Federalno ministarstva obrazovanja i nauke je 09.02.2022. u Mostaru organizovalo sastanak o studentskom organizovanju u Federaciji BiH. Na sastanak su bile pozvane sva krovna studentska udruženja na javnim visokoškolskim ustanovama u FBiH. Predstavnici studentskih parlamenata Univerziteta u Sarajevu i Tuzli, Unije studenata Univerziteta "Džemal Bijedić" u Mostaru, te Unije studenata u osnivanju, o čijem je zahtjevu za odobrenje korištenja naziva "Federacija" u imenu Unije, razgovarano tokom sastanka. Predstavnici Ministarstva su ponovili spremnost da podrže inicijativu i pomognu da se krovna studentska organizacija u FBiH registruje u skladu sa zakonom. Usaglašeni su daljni koraci i aktivnosti.

Predstavnici Unije studenata u osnivanju su se obavezali da Ministarstva i svih šest studentskih organizacija pri javnim visokoškolskim ustanovama u FBiH dostave tekst Statuta te nastave saradnju s Ministarstvom do registracije Unije, a sve u skladu s mišljenjem Federalnog ministarstva pravde.

Iskazan je zajednički interes za aktivnosti na izradi dokumenta „Zajednički model studentskog organiziranja u FBiH“ kako bi se uredila oblast studentskog organiziranja na transparentan i sveobuhvatan način.

Nakon sastanka u zgradi Vladi FBiH, učesnici sastanka su nastavili neformalno druženje, i tom prilikom su razgovarali o budućoj saradnji i mogućim zajedničkim aktivnostima.



IROMAG



/iro.unmo



@iro.unmo



/iro.unmo

IROMAG TEAM
MIRSADA BEHRAM
LEJLA ŠKALJIĆ
LEJLA REPEŠA
AMNA MEHIĆ
HUSEIN MARIĆ

